



FORU DEKRETUA

Ogasun, Finantza eta Aurrekontu Saila
Zerga Araudiaren Zerbitzua
Esp. zk.: 212/2017

Lehentasunezko mezenasgo jarduerak finkatzea 2018rako.

Uztailaren 12ko 16/2004 Foru Arauak, irabazteko xederik gabeko erakundeen zerga araubide eta mezenasgorako zerga pizgarrienak, arautzen du nola parte hartu behar duen sektore pribatuak lehentasunezko mezenasgo jarduerak eta programak finantzatzen.

Hain zuzen ere, foru arau horren 29. artikulua 1. idatz zatiak dio Arabako Foru Aldundiak zehaztuko duela zeintzuk izango diren ekitaldi bakoitzean lehentasunezko mezenasgo jardueren edo programen zerrenda, foru arau horretan bertan aipatzen diren interes orokorreko helburuen eremuka. Horrenbestez, beharrezkoa da foru dekretu hau onestea.

29.1 artikulua araberak, lehentasunezko mezenasgo jardueretarako eta programetarako izendatzen diren diru zenbatekoek araubide berezi bat dute. Diru zenbateko horiek garbiak eta soilak izan behar dira; ezin dute eduki inolako kontraprestaziorik. Araubide berezi hori honetan datza, laburbilduta:

a) Lehentasunezko zatitza jo diren jarduerak edo programetarako diru zenbatekoak gastu kengarri izango dira sozietateen gaineko zergaren oinarria eta establezimendu iraunkorren bidez jarduten duten ez-egoiliarren errentaren gaineko zergaren oinarria zehazterakoan; enpresarientzat eta profesionalentzat, berriz, pertsona fisikoen errentaren gaineko zergaren zuzeneko zenbatespenaren araubidean.

b) Sozietateen gaineko zergaren edo establezimendu iraunkorren bidez jarduten duten ez-egoiliarren errentaren gaineko zergaren subjektu pasiboek kendu egin dezakete zehaztutako kuota likidotik lehentasunezko zatitza jotako jarduerak edo programetarako diru zenbatekoaren ehuneko 18 (kuota likidua lortzen da, hain zuzen, kuota osoari zergapetze bikoitzari dagozkion zenbatekoak eta, hala balegokio, hobariak kenduta), publizitate babeserako kontratuak direla-eta emandako diru zenbatekoak ere barne direla.

c) Pertsona fisikoen errentaren gaineko zergaren subjektu pasiboek, zuzeneko zenbatespenaren pean gauzatzen badituzte ekonomia jarduerak, kendu egin dezakete kuota osoatik lehentasunezko zatitza jotako jarduerak edo programetarako diru zenbatekoaren ehuneko 18, publizitate babeserako kontratuak direla-eta emandako diruak ere barne direla.

d) Pertsona fisikoen errentaren gaineko zergaren gainerako subjektu pasibo lehen aipatutakoez bestekoek kendu egin ditzakete kuota osoatik lehentasunezko zatitza jotako jarduerak edo programetarako diru zenbatekoaren ehuneko 30.

Hortaz, foru dekretu honen xedea da zehaztea 2018ko ekitaldirako zer jarduerak edo programa izango diren lehentasunezkoak, bai eta zer baldintza eta prozedura ezarriko diren zenbait jarduerak lehentasunezko zatitza izendatzeko, guztia ere irabazteko xederik gabeko erakundeen zerga araubidearen



eta mezenasgorako zerga pizgarrien foru arauak 29. artikuluan xedatutakoaren ondorioetarako (16/2004 Foru Araua, uztailaren 12koa).

Arabako Foru Administrazioaren Aholku Batzordearen arautegi organikoak 3. artikulua hiruugarren paragrafoan xedatutakoaren arabera, batzorde horren txostena ez da aginduzkoa.

Aztertu da Zerga Araudiaren Zerbitzuak horri buruz emandako txostena.

Horregatik, Ogasun, Finantza eta Aurrekontu Saileko foru diputatuak proposatuta, eta Foru Gobernuaren Kontseiluak gaur bertan egindako bilkuran gaia aztertu ondoren, honako hau

XEDATZEN DUT

1. artikulua. Xedea.

Foru dekretu honen xede da garatzea irabazteko xederik gabeko erakundeen zerga araubidearen eta mezenasgorako zerga pizgarrien foru arauaren 29. artikulua (16/2004 Foru Araua, uztailaren 12koa).

2. artikulua. 2018an lehentasuna izango duten jardueren zerrenda.

Bat. Ondoko jarduera edo programa hauek izango dira lehentasunezkoak 2018ko ekitaldian, irabazteko xederik gabeko erakundeen zerga araubidearen eta mezenasgorako zerga pizgarrien foru arauaren 29. artikulua ondorioetarako (16/2004 Foru Araua, uztailaren 12koa):

a) Gizarte zerbitzuen eremuan:

1. Gizarte zerbitzuen arloko jarduerak gauzatzen dituzten gizarte izaerako entitate onura publikokotzat jotakoei emandako diru zenbatekoak.

Aurreko paragrafoan xedatutakoa aplikatu ahal izateko, Arabako Foru Aldundiak aintzatetsia izan beharko du gizarte izaerako entitateak.

2. Atalaxia-telangiectasia familiaren Espainiako Elkarteari emandako diru zenbatekoak eta Aitzina Folk Festival, Gasteizko folk musikaren jaialdi solidarioa.
3. "Aspace Araba" Garun paralisiaren eta antzeko Gaitzen Elkarteari emandako diru zenbatekoak.
4. Ikusmen urritasuna duten pertsonen Arabako Elkarteari emandako diru zenbatekoak.
5. Fundación doble Sonrisa Fundazioari emandako diru zenbatekoak.

b) Ingurumenaren eremuan:

1. Arabako babestutako naturaguneetako ingurumena berreskuratzeko, onik zaintzeko, ikertzeko eta zabaltzeko programetarako Arabako Foru Aldundiari emandako diru zenbatekoak.
2. Arabako Lurralde Historikoko foru bizikleta bideak eraiki, hobetu eta onik zaintzeko obrak finantzatzeko Arabako Foru Aldundiari emandako diru zenbatekoak.



3. Arabako Ibilbide Berdeen Sarea eraiki, hobetu, onik zaindu, sustatu eta zabaltzeko Arabako Foru Aldundiari emandako diru zenbatekoak.
4. Arabako Foru Aldundia, Arabako ingurumenaren osotasun ekologikoa leheneratzeari dagokionez.

c) Garapen teknologikoaren eremuan:

Ikerketa, garapen edo berrikuntza jarduerak gauzatzen dituzten pertsona eta erakundeei emandako diru zenbatekoak.

Aurreko paragrafoan xedatutakoa ezarri ahal izateko, Arabako Foru Aldundiak aintzatetsi egin beharko du kasuan kasuko pertsona edo entitatea.

d) Kulturaren eremuan:

1. Arabako Artium Fundazioa.
2. Santa Maria Katedrala Fundazioa.
3. Gasteizko Jazzaldia Elkarte.
4. Gasteizko Arte eta Lanbide Eskola.
5. Gasteizko Arte Sakratuaren Museoa.
6. Iruña Veleiaren eta Arkaiako erromatar termen arkeologia proiektuak gauzatzeko EHUri emandako diru zenbatekoak.
7. Artziniegako Etnografia Museoa.
8. Euskaltzaindia.
9. Euskalerrriaren Adiskideen Elkarte.
10. Eusko Ikaskuntza.
11. Kultura intereseko jarduerak, eta bai ere Arabako Foru Aldundiaren, toki erakundeen, udalen eta kuadrillen jabetzako ondasun kalifikatu eta inbentariatu kultura interesekotzat jotakoak zaharberritzeko eta/edo birgaitzeko jarduerak egiteko Arabako Foru Aldundiari emandako diru zenbatekoak.
12. Añanako Gatz Harana Fundazioa.
13. Gasteizko Urrutiko Hezkuntzarako Unibertsitate Nazionaleko Gune Elkartua.
14. Azkena Rock Festival sustatu eta antolatzeko ARF Vitoria-Gasteiz SL enpresari emandako diru zenbatekoak.



15. Gasteizko Telebista eta Irrati jaialdia - FesTVal sustatu eta antolatzeko Fila 2 kultura elkarteari emandako diru zenbatekoak.
16. Asparreneko Umore Antzerkiaren jaialdia antolatzeko Asparreneko Udalari emandako diru zenbatekoak.
17. Arte eszenikoekin loturiko jarduerak sustatu eta antolatzeko Arabako Foru Aldundiari emandako diru zenbatekoak.
18. Gasteiz Hiri Napoleonikoen Europar Federazioan sartzearen ondorioz egiten diren jardunetarako Gasteizko Udalari emandako diru zenbatekoak.
19. Ormandetxari entregatutako zenbatekoak: Mural obra sustatzeko “Pinturak bizitzarako” elkarteak.
20. Añanako kuadrilla, Micaela Portilla lantegi eskola dela-eta.
21. Arabako Foru Aldundia, Arabako lurralde historikoko agiritegian dauden agiri historikoen artxibatzea dela-eta.
22. Arabako Foru Aldundia, Santa Katalina Lorategi Botanikoaren berreskuratzea, hobetzea, zaintza, sustapena eta hedapena dela eta.
23. AAVOZ-Opera eta Zarzuelaren Araba eta Gasteizko Lagunen Kultura Elkarteak.
24. Sancho el Sabio Fundazioa.

e) Kirolaren eremuan:

1. 5+11 Fundazioa.
2. Kirolaraba Fundazioa
3. Gasteizko Triatloia egiteko Maratlón Kultura eta Kirol Elkarteari emandako diru zenbatekoak.
4. Gasteizko Martín Fiz Nazioarteko Maratoia egiteko Maratlón Kultura eta Kirol Elkarteari emandako diru zenbatekoak.
5. Arabako lurralde historikoa ordezkatzeko duten kirol entitate nazioartean jarduten dutenei emandako diru zenbatekoak.

Aurreko paragrafoan xedatutakoa aplikatu ahal izateko, Arabako Foru Aldundiak aintzatetsia izan beharko du kirol entitateak.

6. Arabako Foru Aldundia, Izki Golf gunearen barruan dagoen Urturi golf zelaiaren lehiaketak egiteko emandako zenbatekoengatik.
7. Zuzenak kirol kluba.



8. Zuzenak Fundazioa.

9. Araberri Basket Club-i emandako diru zenbatekoak, gizarteratzeko kirol jarduerak egiteko.

f) Enpresen gizarte erantzukizunaren eremuan:

1. San Prudencio Lan Fundazioa.

2. Arabako Enpresen Gizarte Erantzukizunerako Foroa (FOARSE) Elkarte.

g) Gizarte eremuan:

1. Fernando Buesa Fundazioa.

2. Saharako Arabiar Errepublika Demokratikoaren (SAED) Adiskideen Arabako Elkarte

h) Euskara sustatzearen eremuan.

1. Araba Euskaraz 2018 ekitaldiaren entitate antolatzaileari emandako diru zenbatekoak.

2. Errioxa Kultur-Elkarteari emandako diru zenbatekoak.

i) Interes orokorreko bestelako helburuetako eremuan:

1. Euskampus proiekturako Euskal Herriko Unibertsitateari emandako diru zenbatekoak.

2. Abastos Fundazioari emandako diru zenbatekoak.

3. Jarduera hauek egiteko Vital Fundazioari emandako diru zenbatekoak: Vital Fundazioaren aretoko erakusketak, Astearte Musikalak, Euskal Zinemaren Astea, Jaibus Vital, Vital Araban zehar Programa eta Araba Ekinean: Enpresen lasterketa.

4. Tubacex Fundazioari emandako diru zenbatekoak.

Bi. Era berean, lehentasunezkoak dira estatuko eta lurralde historikoetako organo eskudunek halakotzat jotako jarduerak, betiere, batak zein besteak onartutako araudiaren arabera, elkarri hala aitortzen badizkiote Arabako Foru Aldundiak foru dekretu honetan onartutako jarduerak.

3. artikulua. Lehentasunezko jarduerak kirol esparruan.

Foru dekretu honen 2. artikuluan kirol esparruan lehentasunezkoak izendatutako jardueraz gain, Arabako Lurralde Historikoko emakumezkoen kirol talde eta atalei emandako diru zenbatekoak, bai eta Arabako Lurralde Historikoan garatutako kirol jarduera eta lehiaketei emandakoak ere, baldin eta haietan emakumeak badira protagonista edo emakumeen parte hartzea eta genero estereotipoak apurtzea eta emakumezkoen ezagutza soziala sustatzen badute berariaz. Hau da, jarduera horiek guztiak lehentasunezko jarduera izango dira kirol esparruan, baldin eta Arabako Foru Aldundiko Euskara, Kultura eta Kirol Sailak ezarritako baldintzak betetzen badituzte.

4. artikulua. Kirol esparruko lehentasunezko jarduera dela aitortzeko prozedura.



Aurreko artikuluan xedatutako ondorioetarako, 2018ko ekitaldian, kirol esparruan beren jarduerak lehenetsuzkoak izan daitezkeen interesak duten pertsona fisikoek eta juridikoek 2018ko abenduaren 1a baino lehen eskatuko diote Arabako Foru Aldundiko Euskara, Kultura eta Kirol Sailari. Eskararekin batera, lehenetsuzko jardura gauzatzen duen erakundearen proiektua ere aurkeztuko da, alegia, lehenetsuzko jardura izan dadila eskatzen duen erakundearena, eta proiektu horrek, besteak beste, diru sarreren eta gastuen aurreikuspen bat jasoko du.

Euskara, Kultura eta Kirol Saileko foru diputatuaren foru agindu bidez aitortuko zaio lehenetsuna jardura bati kirol esparruan. Horretarako, ezinbestekoa izango da aurreko paragrafoan aipatzen den eskaera aurkeztea eta, foru dekretu honetan ezarritako betebeharrak ez ezik, Arabako Foru Aldundiko Euskara, Kultura eta Kirol Sailak 3. artikuluan xedatutakoaren arabera ezarritako betebeharrak betetzea.

Ezer ebatzi aurretik, espedientea Arabako Foru Aldundiko Ogasun, Finantza eta Aurrekontu Sailari bidaliko zaio.

5. artikulua.- Ziurtagiria.

Irabazteko xederik gabeko erakundearen zerga araubidearen eta mezenasgorako zerga pizgarrien Foru Arauak 29. artikuluan jasotako zerga onurak aplikatu ahal izateko (16/2004 Foru Araua, uztailaren 12koa), beharrezkoa izango da zergapekoek, zergaren autolikidazioaz gainera, ziurtagiria aurkeztea kenkaria sortu duten diru zenbatekoak lehenetsuzko jardura edo programetarako erabili direla frogatzeko.

Ziurtagiri hori zergapekoek emandako zenbatekoak jasoko dituzten entitateek berek eman beharrezkoa da.

Aurreko 2. artikulua Bat paragrafoaren b) idatz zatiaren 1., 2., 3. eta 4. puntuetako kasuetan, Arabako Foru Aldundiko Ingurumen eta Hirigintza Zuzendaritzak eman behar du artikulua honetako lehen bi paragrafoetan aipatzen den ziurtagiria.

Arabako Foru Aldundiko Euskara, Kultura eta Kirol Zuzendaritzak eman behar du artikulua honen lehen bi paragrafoetan aipatzen den ziurtagiria, 2. artikulua lehenengo paragrafoaren d) idatz zatiaren 11., 17., 21. eta 22. puntuetako eta 2. artikulua lehenengo paragrafoaren e) idatz zatiaren 6. puntuko kasuetan.

6. artikulua.- Mugak zerga pizgarriak aplikatzeari.

Irabazteko xederik gabeko erakundearen eta mezenasgorako zerga pizgarrien araubidean, uztailaren 12ko 16/2004 Foru Arauaren 29. artikuluan jasotako zerga pizgarriak hauetan baino ez dira aplikatuko: zernahi programa edo jardura garatu eta egiteko beharrezko inbertsio eta gastuen batura gainditzen ez duten ekarpenetan.

Muga hori gaindituz gero, ekarpen zaharrenei aplikatuko zaie zerga pizgarria.

7. artikulua.- Foru dekretu honetan jasotako erakundeek emandako ondasunak eta eskaintako zerbitzuak baztertzea.



Inoiz ez zaizkie aplikatuko irabazteko xederik gabeko erakundeen eta mezenasgorako zerga pizgarrien araubidean, uztailearen 12ko 16/2004 Foru Arauaren 29. artikuluan jasoak, xedatutako zerga pizgarriak foru dekretu honetan lehentasunezko adierazten diren erakundeek emandako ondasunengatiko edo eskainitako zerbitzuengatiko kontraprestazio edo ordainei.

XEDAPEN GEHIGARRIAK

Lehenengoa.-

Foru dekretu honen 2. artikulua Bat paragrafoaren a) idatz zatian xedatutakoetarako, jarduera hauek lehentasunezkoak izango dira 2018. urtean ere: Arabako Foru Aldundiak urtarrilaren 22ko 3/2008 Foru Dekretuaren bidez 2008ko ekitaldirako aintzatetsitako entitateek gizarte zerbitzuen esparruan egindako jarduera edo programak; baita Arabako Foru Aldundiak martxoaren 3ko 20/2009 Foru Dekretuaren bidez 2009ko ekitaldirako aintzatetsitako entitateek, Arabako Foru Aldundiak otsailaren 22ko 12/2011 Foru Dekretuaren bidez 2011ko ekitaldirako aintzatetsitako entitateak, urtarrilaren 31ko 3/2012 Foru Dekretuaren bidez 2012ko ekitaldirako aintzatetsitako entitateak, eta apirilaren 14ko 21/2015 Foru Dekretuaren bidez 2015eko ekitaldirako aintzatetsitako bi entitateek egindakoak ere.

Bigarrena.

Foru dekretu honetako 2. artikuluko lehen paragrafoko a) idatz zatian xedatutakoaren ondorioetarako, eta 2018rako, Espainiako Gurutze Gorria aintzatesten da, Arabako lurralde historikoan garatu dituen jarduerengatik.

Hirugarrena.

Foru dekretu honen 2. artikuluko Bat paragrafoko a) idatz zatian xedatutakoaren ondorioetarako, eta 2018rako, Gasteizko Elizbarrutiko Caritas aintzatesten da, Arabako lurralde historikoan garatu dituen jarduerengatik.

Laugarrena.

Foru dekretu honen 2. artikuluko Bat paragrafoko c) idatz zatian xedatutakoetarako, jarduera hauek lehentasunezkoak izango dira 2018. urtean ere: Arabako Foru Aldundiak otsailaren 16ko 82/2010 Erabakiaren bidez 2010eko ekitaldirako aintzatetsitako entitateek teknologiaren esparruan egindako jarduera edo programak.

Bosgarrena.

Foru dekretu honen 2. artikuluko Bat paragrafoaren e) idatz zatiaren 5. puntuan xedatutakoetarako, jarduera hauek lehentasunezkoak izango dira 2018. urtean ere: Arabako Foru Aldundiak martxoaren 4ko 118/2008 Erabakiaren bidez 2008ko ekitaldirako aintzatetsitako kirol entitateak kirolaren esparruan egindako jarduera edo programak.

Seigarrena.

Foru dekretu honen 3. eta 4. artikuluetan xedatutakoetarako, jarduera hauek lehentasunezkoak izango dira 2018. urtean ere: Arabako Foru Aldundiko Euskara, Kultura eta Kirol saileko foru diputatuaren abenduaren 9ko 239/2015 Foru Aginduaren bidez eta abenduaren 15eko 242/2015 Foru Aginduaren bidez 2015. urterako aintzatetsitako kirol entitateek egindako kirol jarduerak.



AZKEN XEDAPENAK

Lehenengoa.- Araugintzarako gaikuntza.

Ogasun, Finantza eta Aurrekontu Saileko foru diputatuari ahalmena ematen zaio foru dekretu hau aplikatzeko eta garatzeko beharrezkoak diren xedapen guztiak emateko.

Bigarrena. Indarrean jartzea.

Foru dekretu hau ALHAOn argitaratzen den egunean bertan jarriko da indarrean, eta 2018. urterako izango ditu ondorioak.

Gasteiz.

Ramiro González Vicente

Diputatu nagusia
Diputado General

José Luis Cimiano Ruiz

Ogasun, Finantza eta Aurrekontu
Saileko foru diputatua
Diputado Foral de Hacienda, Finanzas y
Presupuestos

Teresa Viguri Martínez

Ogasun zuzendaria
Directora de Hacienda